




光緒五年

鄂跗草堂詩

越人王上殿親希



鄂跗草堂詩卷上

侯官郭柏蒼兼秋譔

遊蓮花峯下至閩王墓

辛亥

雲峯日在望杖策到何遲十郡分山力羣川赴海湄前
王誰有土遺廟尚存碑苦憶興亡事斜陽塔影移

西湖宛在堂

詳福州濬湖事畧

此是風人招隱堂不應諸子共椒漿篇詩能壯湖山色
我亦鳴鳴唱夕陽

同謝秀才宗申登永福方廣巖

靈峯百轉到巖頭馬足駸駸露未休花徑氣和初得日
水簾聲冷不關秋何須避世方成隱但得辭家便是遊
漫向佛前拂塵服明朝歸思又扁舟

李鏡芙十二試未第囑作詩生挽之

醉過滄海天吳迎大叫空山魑魅驚獨鶴依人終野性
哀鴻唳遠盡商聲文章何補生前恨怪異微存死後名
鏡芙示信於友斷其兩指有友來酬澆土願三年宿草滿佳城

辛亥閏中秋日季弟柏鄉宴歸

桂花枝上月痕多二老堂前髮已皤

天子紀元中秋閏全閏勝事說登科

乾隆紀元丙辰李馥兄郁道光乙未

徐

恩試曾州守暉春俱五子科甲大人與林文忠公則讀書文筆書院嘉慶甲子三月同畫見綠衣來往殿

前是年文忠領鄉薦或以為兩家科名之兆

綠窓皓月在牀千古一夕也夢行月中崖岫羅抱

高下萬里周遭如轉軸恍恍離奇不可名狀乃迹

嫦娥所居光彩浮動有暈無影有聲無語睇視無

物一片行雲也因羊念馬因馬念車日有所思則

夢孳焉宋玉夢高唐莊周夢蝴蝶夢亦何常之有

其人傳則其夢傳其人不傳世將不許其夢矣嗚

乎危哉辛亥閏中秋記

恰圓滿時不圓滿最分明裏未分明世閒想象空多少
誰得嫦娥欲語情

倒橋尋梅同福清許秀才慶齡

霜前雪後夕陽天不是巖頭卽水邊今日倒橋風力緊
隔江猶自聳吟肩

同李鏡芙尋高布衣支離墓

支離
嘔血
死適
溪漲
鏡芙
跣行
雨中
為備

衾棺

陰陰廢塚滿荆榛
燐火低昂鬼母瞋
世以疎狂疑惡客

天將困頓處文人湖山久掃平生跡花柳空回大地春
一自撫棺高論絕耳根俗說已陳陳

送祝遊戎過清風嶺入古田

壬子

匹馬嘶還策秋衫習習涼晚風宜野草行客愛斜陽天
帶重山遠岡迴一水長眼前新別路烟樹已茫茫

施秀才天球招遊福廬山

吾土原多勝天門定有神

笏石遣工於三
天門題石紀遊

海風狂似虎

山石密籠人島嶼通潮潤田廬過雨新不隨沙鳥返留
月伴歸身

同施履吉施維屏騎馬遊靈巖山

不知山隱隱祇覺水潺潺黃葉穿僧袖叢箐蔽馬顏晚晴詩易得垂老意多閒坐待青林暮棲鴉催客還

雨中同施笏石葉與端林洛西遊靈石寺

亂峯圍寺不知門流水招人去討源繞澗松篁含雨重

松篁繞澗皆百尺

沿山樓閣壓雲昏眠依古佛長無夢坐對秋

燈少有言隱隱鐘聲送黃檗烟蘿深處合重捫

同葉與端林洛西宿石竹山

萬事茫茫耳僧房著意眠有身原羈絆無夢卽神仙流

水去何日浮雲時在天澹然心想絕石竹滿秋烟

同施笏石葉與端林洛西過海口橋遊瑞巖山至

報恩寺

浩蕩海口橋歸潮催行疾匹馬溯晚風佛頂見落日山

門叢桂香招我入禪室寺僧導客行琅琅數奇逸沿澗

不覺遙穿雲動相失枯根躡屨過

下臨無地人從樹根行

絕壁側

身出

絕壁路窮以指挖石側身一躍又復豁然真奇絕也

入洞眼已昏仰視天如

一層磴俯奔湍欲去勢已休通塞隨所呈變幻浩難必

出山公道多頓覺遊興窒

歸澤朗后洋

窮居六十戶終日對寒山

澤朗山

風大閉門宿潮迴曬網

還地形向海盡人事到頭艱當日移家意油然心目閒

中興社尋祖居

元十八世祖顯公宅
在中興社今社圯

零落中興社瑩然古井存猶懷先人澤更痛未招魂

世十

祖死於
倭變

山暝雲浮海潮來水到門千年窮達理渺渺任

乾坤

觀音墓山耀公墓

元二十
世祖

栽栽山頭墓終歲在雲閒百畝田廬近千年窀穸環衣

冠符夙識支派衍清班

北澤識云前澤岐後澤瞻拜海

天外斜陽策馬還

咏籠鳥寄王芷芸

悔不近人致網羅舊巢空掛北山柯養成羽翼終何事

莽莽雲霄看鶴過

北行建劍舟中不寐作

永夜燈光照酒壺扁舟獨酌不嫌孤溪春和雨自徐疾
漁火隔茅時有無

苔口雪中尋巖上梅花寄非衣子

扁舟忽忽聞清風使我寒山亂着屐疎枝幾出伴松杉
孤根一片抱泉石開從天半不多花飛入雪中杳無迹
草堂儔侶未同來脈脈題詩寄水驛

不寐寄溶兒

落月江潭曲孤舟獨夜過灘聲卧聽近林火坐看多意
氣向人盡文章旅食訛丈夫有肝膽何事苦兵戈

舟中雨同徐孝廉一鶚作

山氣猶連郭村烟尚繞廬共停江上棹多讀枕邊書眠
食原非計安閒獨有餘終朝對雲瀑心想果何如

雪中過大橫別葉大謨如

攜饌沙頭送江光映酒杯亂山醉裏別孤棹雪中開鄉
思逢人動詩情向晚哀干戈猶未已吾意在蒿萊

懷非衣子

此生詩思壓江湖水驛山程酒亂沽醉後松風吹夢醒
愁來汀月照人孤同遊時羨浮鷗出相憶遙聞落雁呼
一自刺舟向京洛草堂深閉長庭蕪

憶林樛

竹林池館好幽棲蝦菜閉門任日低幾卷殘書能度歲

半壺醕酒樂依妻心閒時為看山立詩少從無向客題

今日朔風吹雪甚憶君梅下獨扶藜

鄂跗草堂探梅之會君恆主之

仙霞積雪不開驛次阻滯行者多歸予不得歸復
不得行苦登南浦橋望霽而作

雪嶺行還雪寒灘下更寒橋亭歲暮立來去獨艱難

等覺寺雪中

雪晴遙山近山麓現百室前汀日見樹曉起忽相失重
澗不聞泉隔窓若出日柴門寒晚晚披裘行起栗酒熟
風入生醉眠萬事畢

南浦驛阻雪

驛前猶積雪江館閉寒深
隱几慵冠帶就餐厭釜鬻詩
因閒坐得酒帶宿醒斟莫憶重山路棲鴉尚滿林

帶雪別楓嶺

密雪點輕貂山寒酒易消
迴巒吞嶺斷曲澗瀉溪遙
吾土愁還別妖氛聽漸驕
書生負長劍立馬意蕭蕭

雪中出仙霞關

兼旬天君霏玉屑不見溪山
但見雪高官供億晝夜繁

野店窮檐芻豆缺

時有退宦回籍責備輿馬公車百餘人
以先行請不許山店糧盡乃羣躡

積雪中
出關

輿子扶客雪中行
裊裊霜橋羣咋舌
沿澗忽聞凍泉鳴
過嶺時見高竹折
朔風吹裘作鶴翎
百里迷離踏高潔
世間軒輊忽坦平
前徑無蹤後徑滅
閒遊愛上雪中山
驚名冒險亦太劣
山半梅花向客寒
竊笑世人肝膽熱
我獨騎驢過仙霞
此景繪圖堪叫絕

夜泊七里瀧嚴先生祠下

船頭落葉晚紛紛
水淨沙明夜色分
遠岸燈光霜後出
空潭人語夜深聞
漢家勲故存青史
江上祠堂傍白雲
七里烟波最閒逸
一竿流水幾鷗羣